

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

على بركة الله نبدأ تفريغ ال acid base regulation

وأول حاجة نفرغها بالكيورد الجديدة ☺

دلوطني على فكرة الساعة ستة و 40 دقيقة مساءً يوم الثلاثاء الموافق 10 سبتمبر 2013
أسيبكم مع الدكتور محمد المطري

ال Acid base balance يا أولاد موضوع من خيار الموضوعات

بصوا يا أولاد ،،

قبل ما أبدأ ال acid base balance

نبدأ بطريقة التعرف ،،

يعني إيه acid ؟؟؟

يعني كيماويا إيه ال acid ده ؟؟؟

حاجة بتدي hydrogen ions

Acid دا يعني H ion donor

يعني حاجة تبقا Ionized وتدي H ion

هو دا ال acid

Acid

يعني حاجة لما تبقى ionized بتدي H ion

دي كلكم عارفينها

المعلومة الثانية

إيه الفرق بين ال HCL و ال H_2CO_3 ؟؟؟

ما ال HCL بيدي Hydrogen ion

وال carbonic acid بيدي برود ال H ions

!!!!

إيه الفرق ؟؟؟

ال HCL ده strong acid

VISIT...

LANZAROTE
Caliente.COM

وال H_2CO_3 ده weak acid

يعني إيه strong acid ???

بيدي H ions كتير أوووي

يدي H ions بالهبل

يحصله ionization يدي H ions بالهبل

يقوم نازل بال PH جامد

إها ال Carbonic acid

يقولك : ال carbonic acid ده weak acid

يعني إيه weak acid ???

مبيديش H ions كتير

يعني معطياته قليلة

أقولها بطريقة ثانية ،،

ال HCL حمضان ،، وال H_2CO_3 حمضان

مين حمضان أكثر ???

HCL حمضان أكثر

ومين بيدي H ions أكثر ???

ال HCL

دلوقتي يا أولاد ،، أنا معايا طلبة فاهمة يعني إيه حمض ،، يعني إيه acid

ويعني إيه weak acid ،، ويعني إيه strong acid

أعلى شوية

يعني إيه Buffer ???

Buffer يعني حاجة بتستقبل H ions

Buffer يعني حاجة لو لقت H ions تأخدها

فاهمين يا أولاد ???

وتتحول إلى weak acid

ميغيرش ال PH

يعني ال Buffer لو لقيت ال H ions

تلقطها ،، وتتحول إلى weak acid ميغيرش ال PH أوووي

عشان كده تعريف ال Buffer في الكيمياء

By definition

Salt of weak acid

يعني مثلاً ،،

Na HCO_3 (صوديوم بيكرب)

الصوديوم بيكرب ده يا أولاد acidic ولا alkaline؟؟؟
Nutrient ،، دا ملح

لكن ،،

لو شيلت الصوديوم واديته H ion
يتحول إلى weak acid ،، يتحول إلى weak acid
ميغيرش ال PH أوووي
هو دا ال buffer

ال Buffer << salt of weak acid
Salt يعني nutrient

لكن ،،

له القدرة على استقبال H ion
فلما يستقبل ال H ions ،، يتحول إلى weak acid
ولو تحول إلى weak acid ،، ميغيرش ال PH أوووي
هو ده ال buffer << by definition

دلوقتي يا أولاد ،،
لما أبدأ أشرح هيبقى معايا طلبة فاهمة يعني إيه acid
يعني إيه acid؟؟؟

إنها حاجة بتدي H ion
وال strong acid بيدي H ions كتير
وال weak acid بيدي H ions قليل

ومعايا طلبة فاهمة من الكيمياء

يعني إيه Buffer؟؟؟

Buffer دي حاجة nutrient

Salt of weak acid

لكن ،،

إذا وجدت H ion ،، تأخذه وتتحول إلى weak acid
ميغيرش ال PH أوووي

طيب ،،

تاني معلومة أحب إن الطلبة تعرفها ،،

هو أنا ليه مهتم بالأحماض؟؟؟ يعني ليه ال acid هو محور إهتمامي؟؟؟

والله بص على ال metabolism بتاعك وإنك تفهم

هو إحنا يا أولاد لما بنيجي نأكل ،، الجسم بيأخذ الأكل يولع فيه ،، يحرقه

يحرقه إزاي؟؟؟

بالتبريد؟؟؟ ولا aerobic؟؟؟ ولا anaerobic؟؟؟

Aerobic

بالأوكسجين (oxygen)

يأخذ الأوكسجين ،، ويقوم مولع في الأكل
يقوم ينتج عن النار دي طاقة ،، يأخذها بقا يحولها إلى ATP وبتاع زي ما إنتوا فاهمين

وينتج عن الإحتراق ،، مية و ثاني أوكسيد الكربون
ثاني أوكسيد الكربون (CO₂) ،، دا يعني Carbonic acid (H₂ CO₃)

ثاني أوكسيد الكربون دا يا أولاد ،، يعني carbonic acid

وال carbonic acid دا acidic ولا alkaline؟؟؟

Acidic

يعني طول الوقت يا أولاد ،، طول الوقت
عمال إنت تأخذ نفس ،، وتولع في الأكل
وينتج ثاني أوكسيد الكربون
Carbonic acid ،، carbonic acid ،، carbonic acid
أحماض ،، أحماض ،، أحماض
في الدم

طيب ،،

افرضوا واحد ،، عنده ظروف صعبة شوية ،،

فبيتنفس anaerobic

يقوم مطلع acid إسمه إيه؟؟؟

Lactic acid

ده acidic

إذاً ،، ال metabolism بتاعنا بيطلع acid

Aerobic ،، anaerobic بيطلع acid

بيقا أنا يهمني موضوع الأحماض أوووي يا أولاد؟؟؟

يهمني موضوع الأحماض طبعاً

لأن أنا ال metabolism بتاعي طول اليوم acid

طول اليوم acid

طيب ،،

لما هو ال metabolism بتاعي طول اليوم acid

ربنا خلقنا إيه يدافع عننا؟؟؟

خلقنا الخلية

الخلية دي مصنعة mainly من إيه؟؟؟

بروتين

إنتوا عارفين البروتين ،، ده buffer
البروتين ده salt of weak acid
اسمه بروتينك أسيد

البروتين ده buffer
الخلية يا أولاد نفسها buffer !!!
أه

الخلية نفسها buffer
• 60 % من ال buffering effect بيتم intracellular من البروتين بتاع الخلية
كانوا بتوع الباطنة بقا يقعدوا يقولك : البروتين والهيموجلوبين
والهيموجلوبين buffer

وبعدين كان ليهم curve كده
يقولك الهيموجلوبين يأخذ الهيدروجين ،، ويحصل shift to the left
وبعدين الهيموجلوبين يطلق الأوكسجين ،، ويحصل shift to the right
وانت عمال طالع مع ال curve
ونازل مع ال curve
وانت مش فاهم حاجة ،، ولا عايزك تفهم حاجة

لكن ،،
عايزك تفهم ،، إن البروتين buffer ،، وإن الهيموجلوبين buffer

لكن ،،
• 40 % من ال buffering effect بيحصل في ال fluid بره
• 60 % من ال buffering effect بيحصل جوا الخلية

بيحصل بإيه بقا ؟؟؟

بيقولك بيحصل بالبيكرب (salt of weak acid)
✓ NaHCO_3 (صوديوم بيكرب)
✓ والفوسفات
✓ وال lactate
اللي هي ال buffers ،،

اللي هي salt of weak acid
هي دي ال buffer بتاعتنا

أعظمهم على الإطلاق ،، البيكرب ،، هو الملك
أنا منكش إن فيه حاجات تانية ،، الفوسفات ،، و lactate
كل ده كلام كويس

لكن ،

أعظم buffer فيهم ، البيكرب ، وبلا جدال

السؤال الي جاي ،

وليه البيكرب هو الملك ؟؟؟

هدايا ربنا ليك ،

ربنا يا أولاد ، ممكن البيكرب ، ممكنه مديله هدايا

مديله Lung ، تخلص منه كده ، نفس بس

هو البيكرب لو أخذ H ion يتحول إلى إيه ؟؟

(carbonic acid) H_2CO_3

الي هو ثاني أوكسيد الكربون ومية

بصوا يا أولاد البيكرب ده ،

هيقوم لاقط H ion

يتحول إلى carbonic acid

الجسم يخلص منه كده عن طريق النفس

شايفين الروعة يا أولاد ،

شايفين ال Lung بتتعامل مع البيكرب حلو أوووي إزاي !!!

البيكرب في الدم ، لقط هيدروجين

يقوم يتحول إلى carbonic acid

نخلص منه كده يا أولاد ، زفير بس

بعدين نخش على الكلوي (Kidney)

تلاقوا الكلوي عفريته ، تصنع بيكرب ، وتفرز بيكرب ، وتشطف بيكرب

ويقعد يقولك carbonic anhydrase

فاهمني ؟؟؟

والكلوي بقا بتعمل بيكرب وتروح على ال proximal convoluted tubules ، تشطفه

وبعدين تروح على ال distal convoluted tubules ، تفرزه

فاهمني بقا ، هوووسة

ربنا مديله سلاحين يا أولاد ، جامدين ، جامدين ، كلاوي و Lung

عشان كده البيكرب هو الملك

وبلا جدال

تاني يا أولاد ،

دلوقتي ال metabolism بتاعنا بيطلع إيه ؟؟؟ أحماض

60 % من ال buffering effect فين ؟؟؟

ثبت في سنن الترمذي وابن ماجه أن النبي " صلى الله عليه وسلم قال " أفضل الذكر : لا إله إلا الله ،، وأفضل الدعاء : الحمد لله " قال تعالى " لئن شكرتم لأزيدنكم"

بعد ال dilution ،، يخش مين ؟؟

الصوديوم بيكرب ،، الملك ،،

ما هي أمارات ملكه ؟؟

Lung and kidney

مين أول واحد خد باله من الحكاية دي ؟؟؟

اتنين ألمان ،، واحد اسمه أندرسون ،، وهاسلباخ

عملوا equation كده يا أولاد مش عايزكم تحفظوها

ولا عايزكم تفهموها ،، ولا عايز أي حاجة ☺

عايز بس يا أولاد تبصلها كده

بقلب رجب ،، عايز فكر بس

فكر مش عايز أكثر من كده

لو قدرت يا أولاد ،، تلقط الفكرة بتاعتهم ،، هتفهم اللي جاي كله ،، خلاص كده مفيش حاجة اسمها acid base balance بصوا يا أولاد ،،

الناس دي لقطت إن البيكرب هو الملك

وحاولت تثبت الكلام ده

فراحت عاملة إيه بقا ،،

قالت إن ال PH بتاع الدم ،، يعتمد تماماً على البيكرب فقط

ال PH بتاع الدم ،، يعتمد تماماً على البيكرب فقط

قولناهم بأمانة إيه ؟؟؟

قالوا : ال PH بتاع الدم ،، يساوي

ملكش دعوة يساوي إيه ،، أنا هقول كلام بالإنجليزي ،، إنت مالك ☺

$pKa + \log (HCO_3 / H_2CO_3)$

متنخضش ،،

الكلام ده يعني إيه ؟؟؟

ال PH يساوي $pKa + \log (HCO_3 / H_2CO_3)$

يعني إيه ؟؟؟

إنتوا عارفين ،، بتوع الرياضيات ،، لما أجي أقولك ط نق²

اللي هو باي أر سكوير

مساحة الدائرة يعني

ال ط ده ثابت ،، حاجة في الحساب يعني اسمها constant

ثوابت ،، اللي هي 22/7 (3.14)

بصوا يا أولاد ،،

بتوع الكيمياء جَم عملوا إيه؟؟؟

راحوا فاتحين دفتر كبير كده ،، كُراسة كبيرة
وراحوا جايين حُبة مية ،، وسحاحة حطوا فيها أحماض

وبدأوا ينقطوا الأحماض في المية
ويقيسوا حاجة اسمها ثابت تأين (dissociation constant)

يعني جابوا سحاحة ،،
ويعدين السحاحة دي ملوها حمض ،،
وينقطوا الحمض في المية
ويشوفوا حاجة اسمها ثابت تأين ،، dissociation constant

ويقولك كده مثلاً
ال carbonic acid ،، ثابت التأين بتاعه مثلاً 6.1
ال HCL ،، ثابت التأين بتاعه ،، 2
وهكذا ،، يعني
أي كلام يعني

لكن ،،
بتوع الكيمياء عندهم دفتر ،، عندهم كراسة فيه حاجة اسمها ثابت تأين
هو دا الي اسمه pKa

ثابت التأين بتاع ال carbonic acid < 6.1

طيب ،،
نسبة البيكرب إلى ال carbonic acid في جسم البني آدم ال Normal ،، وإحنا قاعدين مع بعض كده؟؟
20

ال pKa يا أولاد < 6.1
نسبة البيكرب إلى ال carbonic acid في الإنسان ال Normal عشرين

وعندك لو غاريتم العشرين بيساوي 1.3
فاهمين حاجة؟؟؟

يبقا ال PH بتاعنا الي هو 7.4
متوقف على البيكرب فقط ،، ومفيش أي حاجة تاني

لو غاريتم العشرين بيساوي 1.3
يعني ال PH بيساوي 7.4 = 6.1 + 1.3

إذاً ال PH بتاع جسمنا متوقف على البيكرب فقط ،، ومفيش أي حاجة تاني ليها قيمة

فاهمين يا أولاد المعادلة اللي كنتوا بتأخدها زمان ؟؟؟!!!

المعادلة دي مكنوش عايزنا نحفظها ،،
إحنا عايزين منها حاجة ،، لقطتها إنت فهمت ،، ملقتطهاش ،، يبقى إنت مش فاهم حاجة
إن ال buffering effect يايه ؟؟؟
بالبيكرب فقط (نقطة) الباقي ملوش أي لازمة
دي أول حاجة في المعادلة

تاني حاجة في المعادلة نتعملها إيه ؟؟

ال pKa دا ثابت 6.1

يبقا مين اللي هيغير ال PH بتاعك ؟؟
رقم عشرين

6.1 دا رقم ثابت ،،

يبقا ال PH هيتغير لما إيه اللي يتغير ؟؟؟
رقم 20

ورقم 20 دا تميزه إيه ؟؟؟

ملوش تميز

إشمعنا ؟؟؟

دا نسبة

إذا أنا ميهمنيش ال level بتاع البيكرب

ولا ال level بتاع ال carbonic acid

أنا يهمني إيه ؟؟؟

النسبة ،، ما بين البيكرب وال carbonic acid

لو فهمت دي يا أولاد ،، هقعد لعب كبير زي ما أنا عايز

خلاص ،، ميفرقش معايا حاجة

تفهم يعني إيه respiratory acidosis ،، respiratory alkalosis

metabolic acidosis ،، Metabolic alkalosis

بشرط ،،

يبقا قاعد معايا طالب فاهم إن ال pKa دي ثابت (6.1) مش هتتغير

أنا يهمني النسبة (رقم 20)

ويفهم الطالب كده ،،

إن رقم عشرين دا أول سؤال في ال acid base balance هتتسأله ،،

أول سؤال MCQ هتتسأله في ال acid base balance

الموضوع كله قائم على فكر الطالب ،، إني عايز أحافظ على نسبة عشرين بين البيكرب والكربونيك أسيد

على فكرة يا أولاد ،،

الطالب الي مش فاهم حاجة ،، يبقا حلوف ،، مش فاهم
 أنا ميهمنيش البيكرب Level
 carbonic acid level ولا ال
 أنا بيهمني ratio توصل كام؟؟
 20

تقوم ال Kidney فاتحة البوابات للبيكرب
يقوم البيكرب يقل ، يقل ، يقل ، يقل ، يقل ، يقل
عشان تحافظ على رقم 20

بصوا يا أولاد ،
وانت بتنهك كده ، البيكرب عمال ينزل ، ينزل ، ينزل من الكلية
والكربونيك أسيد بيخرج من ال Lung

دا بيقل ودا بيقل ،
لكن الرقم عشرين ،

والله لو ال kidney قدرت تحافظ على رقم 20
ال PH مش هيتغير
ولا هيجيلك alkalosis

بس راحت ولا جت ، دي kidney
ليها capacity
بعد شوية مش هتقدر

تقوم تفهم كده ،
العيان اللي عنده respiratory alkalosis
ال PH بتاعته بتعلى ، والبيكرب بتاعه بيقل
رغم إن عنده alkalosis

أيوه ،،
ال PH هيجلى ، alkalosis
لكن ،

البيكرب هيقول من ال renal compensation
إن ال kidney بتحاول تعوض ، فعمالة تفتح البوابات للبيكرب ينزل
مش الكربونيك أسيد عمال يطلع
لازم البيكرب ينزل يا أولاد عشان نحافظ على النسبة والرقم عشرين

العبرة مش بال Level بتاع البيكرب ولا ال carbonic acid
العبرة بال ratio ما بين البيكرب وال carbonic acid

طالما ال Lung عمالة تخسر ثاني أوكسيد الكربون
ال kidney لازم تخسر بيكرب
أتوماتيك
عشان تحافظ على رقم 20

ودا حاجة غريبة أوووي ، العيان عنده alkalosis ، والبيكرب واطي

واطية نتيجة renal compensation

هو ال PH بتاعنا متوقف تماماً على إيه؟؟؟

على البيكرب

متوقف على البيكرب وال carbonic acid ratio اللي هو رقم كام؟؟

20

هتزداد ال carbonic acid

يعلّ البيكرب

هتقلل ال carbonic acid

يوطى البيكرب

لازم نحاول نحافظ على النسبة كام؟؟؟

20

حد بينهج ،، حد بينهج ،، شهيق وزفير ،، شهيق وزفير

عمال يفقد carbonic acid

طالما ييفقد carbonic acid ،، ال kidney بتحاول تعمل إيه؟؟؟

توطى البيكرب ،، توطى البيكرب

قدرت تحافظ على النسبة

إحنا كويسين

مقدرتش تحافظ على النسبة ،، يبدأ يجيلنا alkalosis

بس alkalosis معاه بيكرب واطية

نتيجة ال renal compensation

هو دا يا أولاد اسمه respiratory alkalosis

طيب بصوا يا أولاد ،،

واحد جاله respiratory failure

Respiratory failure دا يا أولاد ،، مثلاً واحد جاله حاجة اسمها pulmonary fibrosis

أقولكم مثال تاني ،،

ال T.B. ،، وال T.B. ده بيحصله Healing ب fibrosis

فالعيان جاله بعد كده respiratory failure

ال respiratory failure

يعني حصل carbon dioxide retention (CO₂ retention)

لما حصل CO₂ retention

مين الي زاد دلوقتي؟؟؟

ال carbonic acid

ال carbonic acid عمال يزيد ، عمال يزيد ، يزيد ،

يلا قولولي ال Kidney مخها نضيف هتعمل إيه؟؟؟

هتوقف نزول البيكرب ، يقوم البيكرب يزيد ، يزيد ، يزيد

مش ال carbonic acid بيزيد ، البيكرب يزيد

والله لو الكلية قدرت تحافظ على رقم 20 العيان مش هيحصله حاجة

بس ال kidney في الآخر بتعمل الي عليها ، خلاص

مقدرتش ،

يقوم العيان يجيله acidosis

لكن البيكرب ، أخباره إيه؟؟؟

عالي ،

عالي نتيجة renal compensation

بصوا يا أولاد ،

العيان الي عنده respiratory failure ده ، ال PH بتاعه هيقبل (عنده acidosis)

بس لأن هو محوش carbonic acid

ال kidney بتحوش بيكرب

حاجة غريبة جداً ،

العيان يبقا عنده acidosis

والبيكرب عالي

إذا يا أولاد ، عايز أوصل لحاجة ،

محدث يربط ال PH بالبيكرب

ملهاش دعوة بالبيكرب

أنا ليا دعوة بال ratio

الي هي بين البيكرب وال carbonic acid

الي هي رقم كام؟؟

20

مليش دعوة بالبيكرب خالص

أهو زي ما إنتوا شافين ،

واحد عنده respiratory alkalosis والبيكرب قليل

وواحد عنده respiratory acidosis والبيكرب عالي

نتيجة renal compensation

واضحة يا أولاد؟؟ إن شاء الله

بصوا يا أولاد،

نعمل Metabolic acidosis مع بعض

يعني إيه metabolic acidosis يا أولاد؟؟؟

يعني واحد بيترمي H ions في دمه،

قولي مثال مشهور في الباطنة بيعمل metabolic acidosis

أوله ☺ Diabetic

تاني كلمة فيه ☺ keto

يعني مثلاً يا أولاد حد جاله diabetic keto acidosis

يقوم ال H ions في الدم بيقا إيه؟؟؟؟

عالي

يلا يا أولاد،

ال DKA (Diabetic keto acidosis)

يعني ال H ions في الدم عالي، تمام كده

ال acid لما تطلع في الدم،

بتطلع hydrogen ions

طيب،

إيه رأيكم لما الهيدروجين أيون لما يطلع في الدم

عايز يتحد مع مين؟؟؟

البيكرب ☺ هو الملك

ال H ions يا أولاد لو طلعت في الدم

بتدور على البيكرب، هو الملك

بتدور على البيكرب بتعمل إيه؟؟؟

تتحد معاه

وتطلع إيه؟؟

Carbonic acid

بصوا يا أولاد، لو ال H ions طلع، اتحد مع البيكرب بقا carbonic acid

ال carbonic acid بيحصله إيه؟؟؟

بيزيد،

ال carbonic acid بيزيد

تاني يا أولاد الحتة دي جميلة، عايزكم تفهموها

ال Diabetic keto acidosis

بتطلع إيه في الدم ???

Hydrogen ion

يقوم الهيدروجين يتحد مع البيكرب

يقوم إيه اللي يزيد في الدم ???

carbonic acid ال

بصوا يا أولاد ،

Lung ال بتحاول زفير وشهيق ، زفير وشهيق

بتحاول تعمل wash

Wash لل CO_2

مش قادرة ،

ال carbonic acid اللي طالعة كثير أووووي

ال Lung مش قادرة تعمل wash لكل ده

يقوم عيان ال Diabetic keto acidosis

عمال ينهج ، ينهج ، يحاول يعمل wash لل CO_2

مش قادرة ، مش قادرة ال Lung

مين يحاول يساعدها ???

Kidney ال

ال carbonic acid بيعلى ،

تقوم ال kidney مقللة البيكرب excretion

فاهمني يا أولاد ،

طالما العيان دخل في acidosis

يبقا ال system << failure

مش قادرين ، لا ال Lung ولا ال kidney قادرين to compensate

بصوا يا أولاد ،

العيان بتاع ال Diabetic keto acidosis

ال PH بتاعه أخباره إيه ???

Acidosis << تبقا قليلة (واطي)

عيان ال Diabetic keto acidosis

ال PH أخباره إيه ???

واطى

طيب ،

والبيكرب ؟؟؟

اتحرق

ال H ions ، عمال يحرق في البيكرب ، يحرق في البيكرب ، يستهلكه
يعمله compensation
يعني مش قادرة ، مش قادرة تعليه ، مش قادرة to compensate
فاهمني يا أولاد ؟؟

خلي بالكم بقا من حاجة ،
العيان دا عنده metabolic acidosis ،
والعيان الثاني كان عنده respiratory acidosis

Respiratory acidosis ال
ال PH والبيكرب الأسهم عكس بعض

Metabolic acidosis ال
ال PH والبيكرب الأسهم مع بعض
يعني الأثنين واطين

يعني اللعبة من الآخر
يعني لعبة حد مش فاهم لا renal compensation ولا فاهم أي حاجة خالص
هو من الآخر يشوف ال PH لو واطي
ينزل السهم لتحت
لو عالي ، يطلع السهم لفوق

وبعدين يروح حاطط البيكرب ،
ويشوف لو السهمين مع بعض ،
يبقا إحنا metabolic

لو السهمين عكس بعض ، بتاع ال PH والبيكرب
يبقا إحنا respiratory

يلا يا أولاد نتكلم على metabolic alkalosis

يعني إيه metabolic alkalosis ؟؟؟

يعني شيبسي (CHIPS)

العيان يا أولاد ،
كل ما يرجع HCL يتمي بيكرب في دمه
كل ما يرجع HCL يتمي بيكرب في دمه

واحد عنده metabolic alkalosis ، كل ما يرجع HCL

يترمي بيكرب في دمه
البيكرب يحصله إيه دلوقتي؟؟
يزيد ،

مين اللي إحنا عايزينه يزيد دلوقتي لما البيكرب زاد؟؟
carbonic acid ال

بصوا يا أولاد ،
تلاقي ال Lung هتوقف النفس

يا نهار أببييض ☺
واحد بيرجع HCL ،
كل ما ال HCL يرجعه ، يخش في دمه بيكرب ، حاجة في ال Pyloric obstruction
خدناها في ال GIT
إن طالما فيه HCL ، دخل ال stomach ، يبقى أدامه بيكرب دخل الدم

العيان اللي يرجع ده
عمال يفقد HCL ، والبيكرب في دمه
يقوم البيكرب يعلى ،

البيكرب لما علي ،
مين اللي عايز يعوض؟؟
Lung ال

تقوم ال Lung تهدي النفس ، تهدي النفس
فاهمني يا أولاد؟؟
عشان تحاول تحوش carbonic acid
عشان تحافظ على النسبة ما بين البيكرب وال carbonic acid والرقم 20

ال Lung ،
مش قادرة ، مش قادرة ،

بصوا يا أولاد العيان اللي عنده Metabolic alkalosis
مبيأخدش نفس خالص
قاعد ساكت كده ، فاهمني

يخرّب بيت كده ،
إيه ال Lung دي!!! عفريّة فاهمة!!!
أه ال Lung فاهمة أيون

طالما البيكرب بيزيد ، تقوم ال Lung تزودله ال carbonic acid

وقت ما ال Lung متقدردش

هيجي للعيان ده metabolic alkalosis

ال PH هيزيد

والبيكرب هيزيد

الأول ،، إنتوا فاهمين ال PH

بيتوقف mainly على ال ratio بين البيكرب وال carbonic acid

عايزين نحافظ عليها 20

وإن طول الوقت ال lung وال kidney

بيحاولوا يحافظوا على رقم 20

طيب ،،

أنا عايز أعرف العيان عنده acidosis ولا alkalosis أبص على إيه ؟؟؟

على ال PH

عايز أعرف respiratory ولا metabolic أبص على إيه ؟؟؟

البيكرب

لو لقيت الأسهم بتاعت ال PH والبيكرب مع بعض << تبقا Metabolic

لو لقيت الأسهم عكس بعض ال H والبيكرب << يبقا respiratory

بصوا يا أولاد ،،

وأنا أدكم كده ،، مكنتش فاهم حاجة خالص ولا lung ولا renal compensation

ولا lung compensation ولا أي حاجة

كنت بتخنق ونفسي يتكرش

كنت حافظها أسهم

أي مسألة تجيني ،، بروح محولها لأسهم ،، مع بعض يبقا ميتابوليك

عكس بعض يبقا ريسيراتوري

وأعرف من ال PH هو alkalosis ولا acidosis

تم بحمد الله الإنتهاء من تفريغ محاضرة المراجعة في ال acid base regulation

يا رب تفيدكم

دلوقتي الساعة العاشرة و 12 دقيقة مساءً يوم الثلاثاء الموافق 10 سبتمبر 2013

لمزيد من المواد المفردة

على الفيس بوك

صفحة تفريغ المواد الطبية



www.facebook.com/dr.tafreegh

نحبكم في الله
إذا عجبك أي شيء متفرغ تابع لصفحة أو جروب
تفريغ المواد الطبية
وحييت حضرتك تنقله اتفضل
بذكر المصدر أو بدون
المهم إن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام
ويكون سبب في علاج مريض باختلاف اسمه أو جنسه أو دينه
اللهم اجعل عملنا خالصاً لوجهك الكريم
اللهم آمين
سلام بقا ☺